

欽定大清會典事例

卷

五百二十至
五百二十三

禮部

餼廩

牲牢

盛京禮部

祀典

支給款項

補授官員

欽定大清會典事例卷五百二十

禮部

餼廩

殿試餼廩

藩屬餼廩

殿試餼廩。○順治初年定。讀卷提調鑾儀衛等大
臣受卷彌封收掌填榜印卷暨執事官員供給
飯卓。內閣寫榜供事官門官火房紙匠等役。每
名日給白米一升。豬肉一斤。每四名酒一瓶。刊
刷匠役每名日給白米一升八合。豬肉十二兩。

謹案殿試需用飯食等項。禮部劄光祿寺備
辦。至會試一切供給與鄉試一例。由順天府辦
理。自行造冊具
題。交戶部題銷。

藩屬餼廩。○崇德二年定。朝鮮國王子弟來朝。每日給鶩一雞二魚四豬肉八斤。秬米二升。酒一瓶。細粉三斤。葱二斤。菜韭及醬各一斤。清醬八兩。醋三兩二錢。燈油六兩。隨從每人日各給豬肉一斤。並給鹽米。○三年定。朝鮮國進表來朝。都經歷大通官。各日給豬肉一斤八兩。鹽醬各二兩。菜八兩。每五日各給酒一瓶。小通事豬肉一斤。菜一斤。醬二兩。同日都經歷大通官。各給豬肉三十斤。小通事二十斤。以為旅次之供。○又定。東方索倫薩哈爾察虎爾哈庫爾喀等

部落貢貂來朝。頭領每日各給豬肉二斤。酒一瓶。鐙油二兩。鹽一兩。每三日給蒸餅一次。回日。旅次各日給豬肉八兩。○四年定。朝鮮國慶賀。萬壽元旦長至進表。正使。副使。書狀官。各日給鶩二雞三。魚二。菽乳一斤。菜三斤。每五日給羊一。酒一瓶。油醋各十兩。清醬十五兩。醬一斤。大通官給豬肉一斤八兩。押物官。豬肉一斤。鹽醬各二兩。菜八兩。每五日酒二瓶。從人二人共給豬肉一斤。並給鹽。每五日二十人共酒一瓶。回日。正使。副使。各給羊二。書狀官。羊一。大通官。豬肉三

十斤。押物官豬肉二十斤。從人得賞者。各豬肉十斤。並給鹽。以為旅次之供。○順治元年定。東方索倫薩哈爾察虎爾哈庫爾喀等部落來京。總管副管佐領驍騎校筆帖式領催打牲壯丁等。每人日給豬肉二斤。鹽醬各一兩。菜八兩。鐙油二兩。隔一日。各給豬肉三斤。酒一瓶。每五日各給蒸餅五枚。從役每人日給豬肉一斤。鹽一兩。每五日各給蒸餅五枚。回日。總管副管佐領驍騎校筆帖式等。各給羊一。打牲壯丁從役。每二人共羊一。以為旅次之供。○四年定。朝鮮國

慶賀

萬壽元旦長至進表來京。正使日給魚三。菽乳二斤。
菜一斤。鹽一兩。茶三兩。每五日羊一。鶩三。雞二。
酒一瓶。香油一斤。醬瓜十兩。清醬醬各一斤。四
兩。醋十兩。鐙油十兩。副使書狀官日給魚二。菽
乳一斤。菜一斤。鹽一兩。茶二兩。每五日給羊一。
鶩二。雞三。酒一瓶。香油十兩。醬瓜八兩。醬一斤。
清醬十五兩。醋十兩。鐙油十兩。大通官每人日
給豬肉一斤八兩。雞一。酒一瓶。菜八兩。醬三兩。
鹽一兩。茶一兩。鐙油二兩。押物官每人日給豬

肉一斤。菜八兩。醬二兩。鹽一兩。茶一兩。共銚油四兩。每五日酒四瓶。從人各日給豬肉八兩。菜四兩。醬二兩。鹽一兩。應賞者每五日六人共酒一瓶。回日正使給羊三。副使書狀官各羊二。大通官給豬肉折銀一兩八錢。押物官折銀一兩二錢。應賞從人各折銀六錢。並給鹽。正使以下均給米。以為旅次之供。自

京師至義州止。移咨戶部支發。○又定朝鮮國進表來京。都經歷日給鶩一。雞一。豬肉三斤。菽乳一斤。菜八兩。酒一瓶。清醬醋香油各二兩。醬三

兩鹽一兩。茶二兩。鐙油二兩。大通官日給雞一
豬肉一斤八兩。菜八兩。酒一瓶。醬二兩。鹽一兩。
茶一兩。鐙油二兩。小通事日給豬肉一斤。菜八
兩。酒一瓶。醬二兩。鹽一兩。茶一兩。鐙油二兩。從
人各日給豬肉八兩。鹽一兩。共菜三斤。鐙油四
兩。每五日酒二瓶。回日都經歷給豬肉折銀一
兩八錢。大通官折銀一兩八錢。小通事折銀九
錢。從人各折銀六錢。並給鹽。都經歷以下均給
米。以為旅次之供。自

京師至義州止。移咨戶部支發。○七年定琉球國

入貢陪臣。王舅。日給鶩一。雞一。豬肉三斤。菽乳二斤。各種菜三斤。酒二瓶。清醬醬各六兩。香油六錢。花椒一錢。鹽一兩。茶一兩。正議大夫。日給雞一。豬肉三斤。菽乳一斤八兩。菜二斤。酒一瓶。清醬醬各四兩。香油四錢。花椒八分。鹽一兩。茶六錢。四節官。都通事官。各日給雞一。豬肉二斤。菽乳一斤。菜一斤。酒一瓶。清醬醬各四兩。香油四錢。花椒五分。鹽一兩。茶五錢。王舅下通事。日給豬肉三斤。菽乳一斤。花椒五分。從役。日給豬肉一斤。菜十兩。鹽一兩。送來通事。日給豬肉二

斤。鹽一兩。劄行光祿寺給發。正副使各官從役均給米。移咨戶部支發。○十三年議准。朝鮮國王弟代公來朝。日給鶩一。雞三。魚三。豬肉五斤。菽乳三斤。菜三斤。牛乳一鎰。酥油三兩。細粉一斤八兩。清醬醋各四兩。醬八兩。薑五兩。蒜十本。茶四兩。黃蠟燭三枝。燈油六兩。蘋果梨柿各十五枚。棗一斤。每三日羊一。酒一瓶。副使內監書狀官各日給魚二。菽乳一斤。菜三斤。茶二兩。每五日各羊一。鶩二。雞三。酒一瓶。香油醋各十兩。清醬十五兩。醬一斤。大通官各日給雞一。豬肉

一斤八兩。菜二斤。酒一瓶。醬二兩。茶一兩。鐙油二兩。小吏各日給豬肉一斤。菜一斤。醬一兩。茶一兩。鐙油二兩。每五日六人共酒一瓶。從人各日給豬肉八兩。菜八兩。醬一兩。自王弟以下均給鹽。同日旅次之供。代公牛一。羊七。酥餅三百。條餅四百。餅餌三百。白糖十斤。白鹽六十兩。自山海關以內。於代公來朝時。每站給羊一。鶩二。雞二。酒十斤。副使並內監各鶩一。豬肉三斤。書狀官雞一。豬肉二斤。大通官豬肉一斤八兩。小吏各豬肉一斤。從人各豬肉八兩。以上共酒三

瓶。回日。自牛莊至鳳凰城。亦照此例給發。自鳳凰城給代公羊二。副使並內監書狀官羊各一。○又議准。荷蘭國入貢。正使。副使。次等官。每日共給牛乳一鎰。每二日羊一。每五日蘋果梨各五十枚。花紅七十五枚。葡萄棗各五斤。正使。副使。每日共給鷺一。雞一。魚一。菽乳二斤。各種菜三斤。酒十瓶。麪二斤。清醬醬各六兩。香油六錢。椒一錢。茶一兩。次等官。日給菽乳一斤。菜一斤。酒一瓶。麪一斤。清醬醬各四兩。香油四錢。椒五分。茶五錢。通事。日給豬肉二斤八兩。其茶及菜。

蔬與次官同。從人各日給豬肉一斤八兩。菜二兩。麪八兩。共酒五瓶。伴送通事各日給豬肉一斤。菜一斤。清醬醬各二兩。以上每人鹽一兩。劄行光祿寺給發。正副使各官從役均給米。移咨戶部支發。○十八年題准。朝鮮國遣領時憲書等事之齎咨官。日給雞一。豬肉二斤。菽乳一斤。菜一斤。酒一瓶。麪一斤。香油四錢。椒五分。清醬二兩。醬四兩。鹽一兩。茶五錢。鐙油四兩。小通事。日給豬肉一斤。菜八兩。酒一瓶。醬二兩。鐙油二兩。應賞從人各日給豬肉一斤八兩。菜二兩。麪

八兩。鹽一兩。共給黃酒二瓶。鐙油四兩。五品迎
送官。日給豬肉二斤。鹽五錢。從役。各日給鹽五
錢。回日。齎咨官。給豬肉折銀一兩八錢。小通事
折銀九錢。應賞從人。折銀六錢。各給鹽一兩。以
為旅次之供。其沿途口糧。移咨戶部給發。○又
定。安南國入貢使臣。日給雞一。豬肉二斤。菽乳
一斤八兩。菜一斤。酒一瓶。香油一兩。椒一錢。清
醬醬各二兩。鹽二兩。醬瓜四兩。茶一兩。鐙油四
兩。通事。各給豬肉一斤。菜一斤。鹽一兩。共酒一
瓶。劄行光祿寺給發。正使各官。從人均給米。移

咨戶部支發。○康熙三年定。暹羅國入貢。正使副使辦事幹事官。每日共牛乳一鎰。每二日羊一。每五日蘋果梨各五十枚。花紅七十五枚。葡萄棗各五斤。正副使。每日共鶩一。雞一。魚一。菽乳二斤。各種菜三斤。酒十瓶。麪二斤。清醬醬各六兩。香油六錢。椒一錢。鐙油二兩。茶一兩。辦事幹事官。每日給菽乳一斤。菜一斤。酒一瓶。麪一斤。清醬醬各四兩。香油四錢。椒五分。鐙油二兩。茶五錢。通事官。日給豬肉二斤八兩。菽乳一斤。菜一斤。酒一瓶。麪一斤。清醬醬各四兩。香油四

錢椒五分。鐙油二兩。茶五錢。從人各日給豬肉一斤八兩。劄行光祿寺給發。正使副使以下各官從人均給米。移咨戶部給發。○九年定。西洋國入貢。正使日給蒙古羊一。鶩一。雞一。魚一。菽乳二斤。菜三斤。酒六瓶。牛乳一鎰。麪二斤。香油一兩。椒一錢。清醬醬各六兩。茶一兩。鐙油二兩。鹽一兩。每五日蘋果梨各五十枚。花紅七十五枚。葡萄棗各五斤。護送官日給菽乳一斤。菜一斤。酒一瓶。麪一斤。香油四錢。椒五分。清醬二兩。醬四兩。茶五錢。鐙油四兩。每二日羊一。雞一。從

人各日給豬肉一斤八兩。菜二兩。麪八兩。共酒六瓶。燈油四兩。伴送等官。各日給豬肉一斤。清醬醬各二兩。菜一斤。鹽一兩。兵丁從役等。各日給鹽五錢。劄光祿寺給發。正使官護送官通事書辦從人均給好米。移咨戶部給發。○十一年議准。朝鮮國差陪臣至京。日給鶩一。雞二。魚三。豬肉五斤。牛乳一鎰。菽乳三斤。菜三斤。酥油三兩。細粉一斤八兩。醬八兩。清醬醋各四兩。鹽二兩。薑五兩。蒜十本。茶四兩。黃蠟燭三枝。燈油六兩。蘋果梨柿各十五枚。棗一斤。每三日羊一。酒